



Adresseinformasjon fylles inn ved ekspedering.
Se mottakerliste nedenfor.

Dato: 11.05.2021
Vår ref: 20/01873-16
Deres ref:

Tildeling av driftskonsesjon etter minerallova for Raudåna (Katterås) i Åmli kommune. Tiltakshavar: Olstad Entreprenør AS

POST- OG BESØKSADRESSE

Ladebekken 50
7066 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG_NR. NO 974 760 282

SVALBARDKONTOR

TELEFON +47 79 02 12 92

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 28. april 2020 frå Olstad Entreprenør AS, org. nr. 981 441 796. Olstad Entreprenør AS, org. nr. 981 441 796, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av fast fjell til bruk som byggeråstoff i Raudåna (Katterås) på del av eigedomen gbnr. 39/24 i Åmli kommune. Mineralførekomsten høyrer til kategorien mineral som grunneigaren eig.

Konsesjonsområdet har eit areal på kring 20 daa og går fram av vedlagte kart.

Etter Åmli kommune sitt vedtak datert 13. mars 2017 og 3. desember 2018 er det gjeve dispensasjon frå kommuneplanen for området.

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 430 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Før drifta startar skal Tiltakshavaren ha:

- (i) inngått ein avtale om finansiell sikkerheit med DMF, vedlegg 2;
- (ii) lagt fram påkravsgaranti frå bank som DMF vurderer som tilfredsstillande, vedlegg 3;
- (iii) etablert pantet til fordel for DMF, jf. pantelova §§ 4-4 til 4-6, vedlegg 4.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

- Før oppstart av drift, skal konsesjonsgrensa for massetaket setjast ut eller bli markert i terrenget, slik at den er lett synleg gjennom heile driftsperioden

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovgjeving.

3. Godkjenning av driftsplan

DMF godkjenner driftsplanen for Raudåna (Katterås). Den godkjende versjonen av driftsplanen ligg ved dette konsesjonsvedtaket.

4. Høyringsfråsegner med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Agder Energi Nett AS, Agder Fylkeskommune, Åmli Kommune, Fylkesmannen i Agder Norges Vassdrags- og Energidirektorat Region Sør, Statens Vegvesen Region Sør, samt aktuelle naboer.

Høyringsperioden var frå 26. november 2020 til 24. desember 2020.

Frå høyringsfråsegnene har DMF særleg merkt seg dette:



Fylkesmannen i Agder:

Dei relevante delane av Fylkesmannens fråsegn gjengis i sin heilheit:

Fylkesmannens vurdering

Drift av pukkverk kan medføre nevneverdig støy, i tillegg til forurensning i form av støv og avrenning. Det aktuelle masseuttaket ligger i nærhet til bebyggelse som kan bli negativt påvirket av anleggsarbeidene (fritidsbolig om lag 240 meter unna, og vidare er det bebyggelse om lag 750 meter unna). Det er også en sykkel-/turveg i nærhet til tiltaksområdet. I vedlegget er det beskrevet avbøtende tiltak som inkluderer strategisk plassering av maskiner og massehauger for å skjerme og minimere støy og støv, samt vurdere gunstige tidsperioder for gjennomføring av mest støyende deler av produksjonen og vanning ved støvflukt. Fylkesmannen ser de avbøtende tiltakene som positive, og forutsetter at tiltakshaver vurderer risiko fortløpende og ev. iverksetter ytterligere avbøtende tiltak dersom dette skulle vise seg nødvendig. Vi viser også til forurensningsforskriften

kapittel 30 som regulerer drift av pukkverk. Forskriften stiller blant annet krav til støygrenser og utslipp av støv, se mer i siste avsnitt under.

Det er ifølge Miljødirektoratet sin database Naturbase kart ikke registrert utvalgte naturtyper eller arter av nasjonal forvaltningsinteresse i tiltaksområdet eller i umiddelbar nærhet til dette. Tiltaksområdet ligger dog i nærhet til vann, og anleggsarbeidene kan medføre avrenning til Katteråsåna og vidare til Nidelva. Det er beskrevet at det vil anlegges sedimenteringsbasseng i sørvest, hvor terrenget i dag faller naturlig. Vi minner i den sammenheng om bestemmelsene i vannforskriften, bl.a. § 4 som sier at tilstanden i overflatevann skal beskyttes mot forringelse, og vi forutsetter at avbøtende tiltak fungerer i tilstrekkelig grad for å hindre utslipp til elv. Av vedlagt kart ser det ut til at deler av tiltaksområdet vil påvirke et myrområde (Raudånkjerra). Vi kan ikke se at det er gjort noen vurdering og eventuelt planlagt avbøtende tiltak for å minimere påvirkning av denne. Myrområder er viktig både i klimasammenheng og ved at det gjerne er knyttet stort naturmangfold til disse.

Vi vil avslutningsvis minne om forurensningsforskriften kapittel 30 som regulerer forurensning fra produksjon av pukk, grus, singel og sand. Forskriften stiller krav til utslipp som gjør vanlig forurensning fra virksomheter som er omfattet av forskriften, lovlig. Kravene omfatter blant annet utslippsgrenser til vann og luft, støy og krav om målinger. I henhold til forskriftens § 30-11 har tiltakshaver meldeplikt i følge med oppstart, og skal i god tid (minimum 6 uker før ønsket oppstart) oversende meldeskjema til Fylkesmannen. Meldeskjema finnes på våre hjemmesider: <https://www.fylkesmannen.no/agder/Miljo-og-klima/Forurensning/forskriftsregulerte-bransjer/forurensning-fra-produksjon-av-pukk-grus-sand-og-singel/>.

Vi har ingen øvrige kommentarer til saken.

DMFs vurdering:

Kva gjeld forureining frå massetaket, viser DMF til fråsegna i forurensningsforskriften kapittel 30, og at tiltakshavar vil være bunde av desse i heile sin driftstid. Tilsvarande gjelder for fråsegna i vannforskriften.

Myrområdet «Raudånkjerra» som ligg øst for massetaket, ligg under lågaste kote for søkars drift, og synast dermed ivaretatt. DMF minner søkar likevel om varsomhetsplikta etter mineralloven § 48.

Tiltakshavar har fått oversendt høyringsfråsegnet, og har i etterkant av dette korrigert karta til driftsplanen. Området er justert i aust mot myr, manøvreringsareal og driftsveg er flytta noko. Kartgrunnlaget viser framleis litt myr i manøvreringsareal, men tiltakshavar opplyser at dette arealet er fastmark og er ein del av dagens manøvreringsareal.

DMF gjentek at tildeling av driftskonsesjon ikkje erstattar krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve. Tiltakshavaren er også ansvarleg for å følgje andre lovverk som er aktuelle for drifta av massetak.



DMF oppmodar Tiltakshavaren om å ha dialog med statsforvaltaren om oppstart og miljømessige høve i sin driftstid.

Ivar Borgen:

Borgen eig og driv Seljås steinbrudd, som ligg ca 6 km sør for Raudåna Massetak. Han meiner Raudåna Massetak ligg for tett på hans virksomhet, og at det bør være større avstand mellom steinbrudda i kommunen.

Borgen peker også på at Raudåna Massetak ble åpna etter landbruksvegforskriften i vedtak 13. mars 2017 og 3. desember 2018. Massetaket har solgt til private og kommunale prosjekt, og Borgen kan ikkje sjå at landbruksveiforskriften åpner for det.

DMFs vurdering:

Raudåna Massetak har gjennom vedtaka det er vist til, fått dispensasjon frå den kommunale arealplanen. Dette har vore behandla politisk i kommunen, og kommunen tillet drift. DMF legg dette til grunn, jf. punkt 5.2

Norges Vassdrags- og Energidirektorat:

NVE kan ikkje sjå at dette massetaket kjem i konflikt med sine ansvarsområder og har ingen merknadar til søknaden.

DMFs vurdering:

Fråsegnet tas til etterretning.

Statens Vegvesen:

Vegvesenet har ingen merknader til høyringa.

DMFs vurdering:

Fråsegnet tas til etterretning.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomst på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønsmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkjaren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det òg leggjast vekt på omsyna som er nemnde i minerallova § 2.



DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast fell innafor kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtale med grunneigaren for gnr./bnr. 39/24, datert 01.01.2020, som dokumentasjon for utvinningsrett.

Avtalen gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 20,7 daa og går fram av vedlagte kart.

Etter Åmli kommune sine vedtak datert 3. mars 2017 og 3. desember 2018 er det gjeve dispensasjon frå kommuneplanen/reguleringsplanen for området. Dispensasjonen er mellom anna gjeven på desse vilkåra:

- Godkjenninga gjeld fram til neste gongs utviding av massetaket, eventuelt avslutning av igangsett aktivitet dersom det ikkje blir utvida på nytt.
- Før boring og knusing blir sett i gang, skal naboane som fekk søknaden til uttale bli varsla av søkar så tidleg som råd og seinast 1 veke før tiltaket startar opp, og på førespurnad kunne dokumentere når varsel vart sendt.
- Dersom massetaket ikkje blir utvida, skal sorterte masser leggst i deponi med tanke på framtidig levering og bruk. Botnen skal planerast og usorterte utsprengte masser leggst inntil vegger og skjeringar som sikring og for å dempe den visuelle verknaden dei elles vil ha.

5.3 Økonomien i prosjektet

DMF har vurdert årsrekneskapen med styret si årsmelding og notar for dei siste 2 åra. På grunnlag av opplysningane som er gjevne vurderer DMF bedrifta som økonomisk skikka.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.



Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomsten innanfor arealet på 21 dekar som søknaden gjeld. Det totale volumet fast fjell som skal takast ut er estimert til 186 000 m³. Det årlege uttaket vil variere med marknaden, men det planlagde uttaket per år er 5 – 10 000 faste m³. Det er planlagt drift i 3 etappar. Utdrivne område som ikkje trengst i den vidare drifta, skal setjast i stand fortløpande. Det blir òg presentert ein plan for sikring og avslutting. Planen er å føre brotområdet tilbake til industri /næring. Området vurderast som base for Olstad entreprenør, nytta som oppstillingsplass av maskiner og lagring av utstyr

Etter DMF si vurdering kan den vedlagde versjonen av driftsplan for (Katterås) Raudåna godkjennast. Planen tilfredsstillir dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkjaren har til å drive førekomsten

I vurderinga av om søkjaren har tilstrekkeleg kompetanse er det den totale kompetansen som søkjaren har tilgang til som skal vurderast opp mot kravet om å vere skikka.



Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Ole Gunnar Olstad som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7 Miljøkonsekvensar av utvinninga

I vurderinga av om det skal gjevast driftskonsesjon skal det leggast vekt på omsynet til miljøet og kulturminne.

Det finst ingen reguleringsplan for uttaket.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og eigne søk i Naturbase og Artskart er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.

DMF har kome til at det ikkje finst avgjerande moment som talar mot å innvilge konsesjon.

5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Før oppstart av drift i uttaksområdet skal uttaket sikrast med midlertidige markeringsgjerde, gjerde settast opp i vegetasjonsskjerm kombinert med voll av avdekkings masser. Sikrings-/ skjermingsvoll av avdekkings masser vil og leggast opp mot sykkelveg og vidareført langs Katteråsvegen. Skjerming mot sykkelvegen vil først bli aktuelt før oppstart av etappe 3. Det vil også bli sett opp varslingskilt mot Katteråsvegen og sykkelvegen. Området rundt masseuttaket har relativt liten aktivitet



av menneskjer i terrenget, Tiltakshavar ser derfor ikkje behov for ytterlegare sikringstiltak. Innkøyring til området vil avgrensast med bom.

DMF har kome til at dette ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekosten det er søkt om driftskonsesjon for fell inn under råstoffgrupperinga sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Ressursen blir tilverka til produkt i varierende storleik frå 0-4 mm til 32-120 mm, frå kabelsand til tilslag i vegbygging opp til pukk av større fraksjon.

5.10 Langsiktig planlegging for etterbruk eller tilbakeføring av området

Når uttaket skal avsluttast vil Tiltakshavar vurdere vegg-høgder og utføre dei tiltaka som gir best resultat. Skrapmasser leggst inn mot brotveggane for å redusere vegg-høgda, og samtidig skrå av toppen av veggen. Lause masser i brotveggane fjernast, og toppen av brotveggen skal vere fri for lausmasser 2 meter inn frå kanten. Toppen av uttaket vil i tillegg bli sikra med en voll på 3 m høgde og ein vinkel mot omkringliggende terreng på om lag 33°. Mot vest vil det stå att ein voll på om lag 2,5 m høgde.

Avrenning frå terrenget i overkant av uttaket vil i stor grad fangast opp av naturlege terrengformasjonar og førast vekk frå brotveggen. Lengst i aust vil overflatevatn avskjerast med grøft mot driftsveg og førast mot myrområde i aust.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Tiltakshavar har foreslått ein økonomisk sikkerheit på NOK 227 000, berekna med hjelp av berekningsverktøyet på heimesida vår. Her er det rekna på kostnadar til planering og arrondering av ferdig areal, etablering av sikringsvollar, ingeniørgeologiske vurderingar og sikringstiltak, skilting og sperring av åtkomstveg.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.



Tiltakshavar ga innspel til DMFs vurdering av den økonomiske sikkerheita etter varsel om vedtak av 16. april 2021.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 430 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine egne erfaringstal for tilsvarende uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

Bankgaranti – oppstartsfase

DMF vurderer det som nødvendig at Tiltakshavaren, før drifta startar, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000. Dette er nødvendig for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;
- (ii) Ved konkurs, opphøyr eller anna avvikling av Tiltakshavaren si verksemd; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 430 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 0,8 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 20 år, det vil seie NOK 21 500 per år. I søknaden er



det rekna med eit uttak på 10 000 m³/år, tilsvarande om lag 27 000 tonn/år, noko som gjev ei årleg avsetjing på NOK 0,80 per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast utan ugrunna opphald. Elles skal Tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal Tiltakshavaren utarbeide ein rapport og sende den til DMF utan grunnlaust opphald.

DMF kan òg ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-3 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for Tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal Tiltakshavaren sende melding til DMF.



Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvarlet til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivingane elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.



For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du og vår digitale kartløyning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Unni Garberg
seksjonssjef

Vegard Nymoen
rådgiver

Dokumentet er elektronisk signert og har difor ikkje handskrivne signaturar.
Sakshandsamar: Vegard Nymoen

Vedlegg:

- Vedlegg 1 Kart over konsesjonsområde Raudåna masseuttak
- Vedlegg 2 Avtale om finansiell sikkerhetsstillelse Raudåna Katterås
- Vedlegg 3 Påkravsgaranti Raudåna
- Vedlegg 4 Pantsettelseserklæring Raudåna
- Vedlegg 5 Driftsplan for Raudåna masseuttak

Mottakarar:

Olstad Entreprenør AS	Katterås 545	4865 ÅMLI
-----------------------	--------------	-----------

Kopi til:

Statens vegvesen Region sør	Postboks 723 Stoa	4808 ARENDAL
Norges vassdrags- og energidirektorat Region sør	Postboks 2124	3103 TØNSBERG
Åmli kommune	Gata 5	4865 ÅMLI
Statsforvalteren i Agder	Postboks 788 Stoa	4809 ARENDAL
Agder Energi Nett AS	Postboks 794 Stoa	4809 ARENDAL
Agder fylkeskommune	Postboks 788 Stoa	4809 ARENDAL